



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

Trigesima. De resurrectione Christi, & spirituali consolatione animæ.

[urn:nbn:de:hbz:466:1-45790](#)

296 IN DOMINICA PALMARVM.  
Tunc recipient singuli præmia æterna, pro laboribus & meritis  
suis, contenti optimè in mansionibus à Deo sibi paratis. Paſſio  
autem, quæ processionem sequitur, hoc indicat. Quia per crucem  
& paſſionem Christi, & per multas tribulationes pro Christo,  
via nobis ostenditur, qua ad regnum Dei post mortem perve-  
nitur. In quo cum Christo in æternum gaudebunt, qui nunc paſſionem  
eius deuotè recolunt, ex compassionē gemunt, ex amore  
lachrymas fundunt, ex imitatione carnem macerant, pro gratia  
rum actione preces offerunt: Missas libenter audiunt, cum meū  
& reuerentia celebrant, à vanis & ociosis abstinent, diuinæ gra-  
tiae per cordis custodiam se præparant; & in commemoratione  
paſſionis Christi, sedulè ac tristè meditando, legendo, laborando,  
fustinendo, piè in eo animum exercitant: ut Christi paſſionibus  
in presenti medullitus conformati, in futurò celsius glorificen-  
tur. Cùm enim venerit Christus remunerare labores omnium e-  
lectorum suorum, tunc omnes abſterget lachrymas ab oculis e-  
orum. Processio præsens breuem habet latitudinem, sed processio fu-  
tura sanctorum, perennem obtinet laudem. Nulla quippe fessi-  
uitas ſolemnior, nulla societas iucundior, nulla delectatio maior,  
nulla contemplatio excellentior, nulla felicitas dignior; quam  
Christum videre in gloria sua cælesti, cum Angelis sanctis, con-  
gregatis in superna & beatissima ciuitate Hierusalem; omnibus  
electis in ſecula ſeculorum cum Christo regnaturis; impijs & in-  
fidelibus, æternis ignibus cum diabolo traditis ac iuste damnatis.  
A quibus malis nos custodiat & præſeruet, sed cum electis suis  
potius congreget, & ad dexteram in regno ſuo conſtituat, qui pa-  
paſſionem & crucem nos redimere dignatus eſt Iesuſ Christuſ  
Dominuſ noſter. Amen.

### TRIGESIMA.

*De resurrectione Christi, & spirituali consolatione anime.*

I. R Eſurrexi, & adhuc tecum ſum; Alleluia. Vox Christi eſt ad  
Ecclesiā, & ad quamlibet fidelem animam, de eius paſſione  
nimis tristem, & quaſi omni conſolatione priuatam. Hac igitur  
Christus à morte resurgens, in ſpiritu alloquitur: hanc iucundo  
oris ſui affatu benigniſſime conſolatur, dicens: Reſurrexi, & ad-  
huc tecum ſum. Non ſum tui oblitus, ſed memor ſponſionis meę,  
tanquam victoriоſiſſimus mortis triumphator tibi appareo, &  
æternae felicitatis gaudia denuntio; quatenus mihi congratule-  
ris de ineffabili reſurrectionis gloria, quā recepi: quia hanc nun-  
quam amissurus ſum, nec ultra moriturus. Multum quidem he-  
ſterna die de paſſione mea doluisti & fleuisti, ſed iam noli diuiriſ  
fere,

flere, quia resurrexi verè; & adhuc tecum sum præsentia maiestatis, qui passus fui ex infirmitate carnis. Iam altiori gloria coronatus, & immortalitatis lumine sum amictus, qui pridie pepedi in cruce, morte turpissima condonatus. Iacui triduo in sepulchro, sed nunc viuo ego, dicit Dominus redemptor tuus, ut tu viuas propter me.

2. Ego hodie resurrexi à mortuis, per gloriam Patris & tu resurges in nouissimo die cum electis meis, virtute diuina de tumulo excitandus, & pro meritis tuis coronandus. Iubila ergo in voce exultationis, & cum magna gratiarum actione persolue deuota cantica laudis alleluia canendo, atque teipsum ad superna festa erigendo. Corde & voce simul lètare filia Sion, quia trāsijt hora temporalis tristitia, & rediit dies perennis latitiae, spes gloriæ tuæ futuræ. Tristentur Iudei, qui me crucifixerunt: confundantur Gentiles, qui me deriserunt: timeant omnes, qui in me credere noluerunt. Lètentur vero fideles, qui me diligunt: consolentur vniuersi populi, qui meam passionem audientes doluerunt & fleuerunt. Accedant ad me discipuli, qui dispersi fugerunt, & inter tormenta me reliquerunt. Veniant ad me humiles & deuoti, procedant sacerdotes & ministri albis induti. Accedant ad mensam meam, cum summa reverètia singuli Christiani: & celebrent omnes populi hanc diem paschæ, in qua resurrexi.

3. Ego enim sum resurrectio & vita. Ego sum panis viuus de cælo descendens, qui præsto vitam mundo. Ego sum pastor bonus, qui pasco oves meas simplices & obedientes, voluntatem propriam relinquentes, & meam in omnibus sequentes. Ego sum manna absconditum, gaudium Angelorum, pascha Christianorum, felicitas Sanctorum: Angelos aperta visione lètificans, & homines in terra sacramento meo communicans. Noli ergo turbari, quasi in mūdo despectus. Noli contristari, quasi à Deo derelictus. Noli timere, quasi ab inimicis vallatus. Nō te deserui, nec deseram. Non te abieci, nec abiciam. Sed in multis te probabo, & per varias tentationes te ducam, & quasi aurum igne examinabo te & purgabo. Et in tempore tribulationis apparebo tibi, & cōsidero te præsentia mea: deuotionis gratiam infundendo vino compunctionis primò te potando, deinide oleo lètitiae vngendo: vt lachrymas fundas, & mirabilem dulcedinem sentias, ac totus ignescas & liquefas. Sic sic cōsidero lugentes super me, in hac lachrymarum valle, qui à levitatibus se auertunt, & ad interiora sua conuertuntur. Cura mihi est de te, & oculi mei ad fidèles meos; vt se deant mecum in regno Patris mei, & videant claritatem meam, quam æternaliter habui, & amicis meis præparaui. Dabo eis mercedem plenam, quando ex mortuis resurgent etiam

ipſi

298 DE CHRISTI RESVRRECTIONE.  
ipſi glorioſi & incorrupti. Propterea morte pertuli, infernum con-  
fregi, diabolum vici, sanctos patres de limbo eripui, paradiſi por-  
tas aperui, ut omnes electos in æternā beatitudinē introducerem.

4. Sed non c̄ſtimes te ab hac alacritate discretum, nec à felici  
Sanctorum ſocietate alienum. Quia licet adhuc mortalitate cir-  
cundatus es, & inter tentationes viuis, tamen poſtea viſione mea  
perfrueris, fi fidelis & conſans permaneris, viſque ad finem ve-  
ſtigia mea ſequendo: ſicut & ego permansi in dilectione Patris  
mei, viſque ad mortem obediendo. Eſto ergo fortis in tentatione  
& patiens in omni tribulatione, ut confors fias æternæ gloriae  
meæ: Nec desperes quacunque aduersitate imminente, & omni  
humana conſolatione recedente. Non ſoleo triftem præterire,  
nec orantem ſpernere, ſed ad me clamantē cū gemitu clementer  
exaudire. Probo certantem, coronabo perfeuerantem. Permitto  
ad modicum tribulari mihi dilectum, & dum minus aſtimat, aut  
indignum ſe reputat aliquo ſolatio, ſubito appareo, & illumino  
ignorantem. Feci ſic cum diſcipulis meis, & cum dilectis viſita-  
tricibus ſancti ſepulchri mei. Nam illi in triftia magna fuerunt,  
omnem ſpem perdiſerunt, nullum ſolatium ſciebant, quid age-  
rent, quo ve abirent, ignorabant. Nil dulcius eis interim erat, quā  
amarè, flere, & ſæpius querere, fi aliquid de me percipere potuiſ-  
ſent. Sed dum omne humanum auxilium defecit, affuit mox di-  
uinum. Et multo felicius eis contigit, quam aſtimare potuerunt.  
Nam feci Angelos meos prāire, qui bona noua dicerent, ne di-  
uiniſſus inconsolati remanerent, ſed crederi in ſpem vite, regem glo-  
riæ expeſtarent.

5. Distuli igitur citò apparere, ut deſiderium querendi cresce-  
ret, & purgatores ad videndum fierent: quatenus me viſo, am-  
plius gauderent, deuotiū conſtringerent, & reuerentiū adora-  
rent. Sciebam tempus & modum conſolandi triftes, & quantum  
capere poſſent mortalium mentes. Non ergo deſpexi vota pio-  
rum, nec recufaui laborem affictorum: ſed probaui fidem, in-  
ſtruxi ignorantiam, confortau iuſſillanimitatem, accendi amo-  
rem, repuli timorem. Igitur flendo, orando, querendo, pulsando,  
perfeuerando, meruerunt videre quem deſiderabant. Et ego im-  
pleui verbum meum, quod prædixi: *Quia iterum videbo vos, &*  
*gaudebit cor vestrum, & gaudium vestrum nemo tolleret a vobis.* Tu  
ergo hæc audiendo, prepara te ad deuotionis gratiam: expeſta  
patienter donec veniam, & iterum viſitem cor tuum, ab omni  
moleſtia te liberando, & in nouæ exultationis ſtatuum perducen-  
do. Tunc poteris latanter psallere & experimentaliter cognof-  
cere, quam verus & iucundus sit introitus iſte. Resurrexi, & ad-  
huc tecum ſum. Allclua.

TRI-

Ioam. 16.